



ქედის მუნიციპალიტეტის საკრებულო

გ ა ნ კ ა რ გ უ ლ ე ბ ა

დაბა ქედა



N 27  
31/05/2019

27-04-4-201905311639



**ქედის მუნიციპალიტეტის მერიის ზედამხედველობის სამსახურის  
მიერ 2019 წლის პირველ კვარტალში შესრულებული ანგარიშის მოსმენის შესახებ**

„ქედის მუნიციპალიტეტის საკრებულოს რეგლამენტის დამტკიცების შესახებ“  
ქედის მუნიციპალიტეტის საკრებულოს 2016 წლის 3 მაისის №6 დადგენილებით  
დამტკიცებული დანართის მე-6 მუხლის მე-6 პუნქტის შესაბამისად, ქედის  
მუნიციპალიტეტის საკრებულომ **გადაწყვიტა:**

1. ცნობად იქნას მიღებული ქედის მუნიციპალიტეტის მერიის ზედამხედველობის სამსახურის 2019 წლის პირველ კვარტალში შესრულებული ანგარიში, თანახმად დანართი №1-სა.
2. დანართი №1 წარმოადგენს განკარგულების განუყოფელ ნაწილს.
3. განკარგულების დაინტერესებული მხარეთათვის კანონმდებლობით დადგენილი წესით გაცნობა უზრუნველყოს ქედის მუნიციპალიტეტის საკრებულოს აპარატის უფროსმა - მუხრან სალაძემ.
4. განკარგულება შეიძლება გასაჩივრდეს დაინტერესებული მხარეების მიერ კანონმდებლობით დადგენილი წესით მისი ძალაში შესვლიდან ერთი თვის ვადაში ხელვაჩაურის რაიონულ სასამართლოში (მისამართი: ქ. ბათუმი ფრიდონ ხალვაშის გამზირი №358).
5. განკარგულება ძალაშია ხელმოწერისთანავე.

შუქრი თურმანიძე

საკრებულოს თავმჯდომარე



**ქედის მუნიციპალიტეტის მერიის ზედამხედველობის  
სამსახურის 2019 წლის პირველი კვარტლის  
ანგარიში გაწეული მუშაობის შესახებ**

საანგარიშო პერიოდში შედგენილი იქნა ორი მითითება სოფელ მახუნცეთსა და სოფელ წონიარისში უნებართვო მშენებლობის განხორციელების შესახებ. დროულად განხორციელდა მესაკუთრის მიერ აწვევის დასახლებაში უნებართვოდ განთავსებული რკინის ჯიურის აღება და ტერიტორიის გამონთავისუფლება, ხოლო სოფელ წონიარისში აბუქეთის საცალფეხო ხიდთან გაფრთხილების შემდეგ შეჩერებულ იქნა მშენებლობა სამშენებლო ნებართვის მიღებამდე. სამართალდარღვევის საქმის წარმოებისას იურიდიულ პირზე შედგენილი ადმინისტრაციული სამართალდარღვევათა ოქმი აღსასრულებლად გადაეგზავნა აჭარისა და გურიის სააღსრულებო ბიუროს.

ჩატარდა კეთილმოწყობითი და დასუთავების სამუშაოები შპს ქედის „კომუნალურსერვის“-ის სამსახურთან ერთად დაბა ქედის ტერიტორიაზე. კერძოდ გაიწმინდა და დასუფთავდა პარკები და სკვერები ნავისა და ნარჩენებისაგან, მოწესრიგდა მუნიციპალიტეტის მერიის, ეკლესიის, ტბ. აბუსერიძის, ყ.შერვაშიძის, წერეთლის ქუჩების ტერიტორია. სისტემატურად მიმდინარეობს ქუჩების დაგვა-დასუფთავება და ხდება ნავისა და საყოფაცხოვრებო ნარჩენების გატანა დაბა ქედისა და მუნიციპალიტეტის სოფლებიდან. ტყის საერთაშორისო დღესთან დაკავშირებით 21 მარტს ჩატარდა გამწვანების აქცია დაბა ქედაში ფრიდონ ხალვაშის სახელობის ცენტრალურ პარკში, რომელშიც მონაწილეობდნენ არასამთავრობო ორგანიზაცია CENN-ი, ადგილობრივი განვითარების ჯგუფი LAG-ი, აა(იპ) ქედის ზრდასრულთა ცენტრი, მერიისა და კომუნალურსერვისის წარმომადგენლები. მახუნცეთის თემის მოხელეებთან ერთად ჩატარდა დასუფთავების აქცია მახუნცეთში (აწვევის დასახლება). სოფელ მოსიაშვილებში ბათუმი-ახალციხის ცენტრალური საავტომობილო გზის მიმდებარედ დაიხურა არალეგალური ნაგავსაყრელი შპს „ქედის კომუნალურსერვისთან“ და დანდალოს ადმინისტრაციული ერთეულების წარმომადგენლებთან ერთად. ხორციელდება დაზიანებული გარე განათების ქსელებისა და სანათი წერტილების აღდგენა მუნიციპალიტეტის ტერიტორიაზე.

ზედამხედველობის სამსახურისა და შპს „კომუნალურსერვისი“-ს მიერ ხდება გაფრთხილება ფიზიკური და იურიდიული პირებისა, რადგან მათ სამოქმედო ტეროტორიაზე მოახდინონ მოვლა პატრონობა და დანაგვიანების აღკვეთა, წინააღმდეგ შემთხვევაში მათზე, დასუფთავების წესების დარღვევისთვის გატარდება კანონით გათვალისწინებული ღონისძიებები. განხორციელდა აწვევის, დაბა ქედის ზვარის წონიარისისა და ცხმორისის ადმინისტრაციულ ერთეულის ცენტრებში მოსახლეობასთან შეხვედრები გარემოს დანაგვიანებაზე. განთავსებულ იქნა საჯარო ადგილებში გამაფრთხილებელი პლაკატები და დარიგებული იქნა ბუკლეტები. სისტემატიურ კონტროლზეა აყვანილი მდინარე აჭარისწლის სანაპიროდან ინერტიული მასალების მომპოვებელი კომპანიები, რათა არ მოახდინონ გადაზიდვის დროს გზის სავალი ნაწილის დანაგვიანება. გამოვლენილი ფაქტების შემთხვევაში მათზე ტარდება კანონით გათვალისწინებული ზომები.

საანგარიშო პერიოდში შპს „წყალკანალი“-ს მიერ ჩატარდა საკანალიზაციო - სანიღვრე არხების დაზიანებული მონაკვეთების აღდგენა აბუსერიძის, წერეთლის, რუსთავლის, ყ.შერვაშიძისა და 9 აპრილის ქუჩაზე. დაბა ქედაში სისტემატურად ხდება არსებული სანიაღვრე არხების გაწმენდა.

სამსახური აჭარის საზოგადოებრივი ჯანდაცვის ქედის განყოფილების წარმომადგენელთან ერთად სისტემატიურად ანხორციელებს სანიტარულ-ჰიგიენური და სანიტარულ-ეპიდსაწინააღმდეგო წესებისა და ნორმების დარღვევებზე მონიტორინგს დაბა ქედაში განთავსებულ სადალაქოებსა და სალონებში.

სამსახურმა შპს „ლადა“-ს, გადაუგზავნა შესრულებული სამუშაოების შემდეგ გამოვლენილი ხარვეზების გამოსწორების მოთხოვნის წერილი (დაბა ქედაში ყოფილი ადგილმრეწველობის კომბინატის შენობა), რათა საგარანტიო პერიოდის განმავლობაში საკუთარი ხარჯებით აღმოეფხვრა პრობლემები. მოწესრიგებლობის შემთხვევაში მათზედ გატარებული იქნებოდა საჯარიმო სანქციები, რაც დღემდე მისი საკუთარი ხარჯებით შესრულებულია.

შესწავლილი იქნა დაბა ქედისა და თემის ცენტრების გარე-იერსახის, გარე- რეკლამის, გარე-ვაჭრობისა და სანიტარული დასუფთავების მდგომარეობა მისი მოწესრიგების მიზნით. ობიექტის მფლობელებს მიეცათ გაფრთხილება კეთილმოეწყობთ ობიექტის გარე სარეკლამო აბრები და დაიცვან სანიტარული დასუფთავების წესები.

დაბა ქედის ცენტრში მოწესრიგდა სავაჭრო ჯიხურები, შეიღება და კეთილმოეწყო მიმდებარე ტერიტორიები მეპატრონეების მიერ აზუსტირების და წერეთლის ქუჩაზე. დაიშალა უნებართვო და უსახური შენობა-ნაგებობები 9 აპრილის, რუსთაველის ქუჩაზე.

სისტემატიურად ვახდენ კონტროლს მუნიციპალიტეტის ტერიტორიაზე მშენებარე შენობა-ნაგებობებზე, უსახურ, ამორტიზირებულ ობიექტებზე ღონისძიებების გატარებას. ჩატარდა კეთილმოწყობითი სამუშაოები. კერძოდ, დასრულდა სოფელ ტაკიძეებში ხორხის უბანში საყრდენი კედლის, ოტოლაძეების უბანში მილხიდისა და სოფელ ახოში ნაჭვავარის უბანში გზის რემონტის სამუშაოები. მიმდინარეობს დაბა ქედაში საკანალიზაციო სისტემის, მინი სპორტული მოედნის, სოფელ ზუნდაგაში, ვარჯანისა და კოკოტაურში სასმელი წყლის სისტემის სამუშაოები.

სამსახურის მიერ მუნიციპალიტეტის ტერიტორიაზე განხორციელდა უსახური,და ამორტიზირებული შენობა-ნაგებობების მონიტორინგი. შესწავლილი იქნა დაბა ქედაში სახოკიას, აღმაშენებლისა და კოსტავას ქუჩებზე მდებარე ყოფილი სამხედრო კომისარიატის ავტოგარაჟის, თამბაქოს მიმღები პუნქტისა და ყოფილი გამგეობის საქვაბე შენობა-ნაგებობების მდგრადობა. შესწავლის შედეგად აღმოჩნდა, რომ შენობები ავარიულ მდგომარეობაშია და ექვემდებარება დემონტაჟს. დემონტაჟი ჩაუტარდა დაბა ქედაში ყოფილი საავადმყოფოს სამრეცხაოს შენობის ნაწილს.

სამსახური დროულად ახდენს რეაგირებას შემოსულ განცხადებებსა და წერილებზე. ყველა მათგანს დროულად გაეცა პასუხი.

ზედამხედველობის სამსახური საგანგებო მსჯელობის საგნად გახდის, როგორც სახელმწიფო სექტორის, ასევე კერძო მოსახლეობის მხრიდან საზედამხედველო კანონმდებლობით გათვალისწინებულ კანონდარღვევათა ყველა ფაქტს, მიიღებს კომპეტენციის ფარგლებში გასატარებელ ღონისძიებებს.